

BITARTEKARIEN AGERRALDIA 2012.07.02.

-Egun on! agerraldiaren deialdiari erantzun diozuen komunikabideoi.

-EPPKren Mintzaidetzak ohar berri bat eman du ezagutzera. Ohar horretan, presoan egoeraren inguruan Gobernu espainol zein frantsesaren aldetik mantentzen den blokeoa salatu dute.

-EPPKren Mintzaidetzak eztabaidaren ondorioak aipatu ditu. Mintzaidetza bera eta Zuzendaritza osoa ezagutzera eman izana ere, Kolektiboaren azken garaietako dinamikari lotuta, urrats eta ekimen berriak emateko prestutasunaren adierazgarri gisa.

-EPPK-ren Mintzaidetza, eragile sozial eta politiko ororekin presoan egoera eta irtenbidearen inguruan mintzatzeko prest agertu da eta deia luzatu du, presoan hitza entzunarazteko eta eragile horien iritzi eta posizioa zuzenean jakiteko.

-Urrats horiek emateko dauden zailtasunak gainditzen laguntzeko, Mintzaidetzak, gaur hemen gaituzuen hainbat laguni eskaera zehatza luzatu digu, hain zuzen eragile guztiekin bideak irekitzeko bitartekari lana egitea. Hemen agertu garenok, eskaera hori aintzat hartu eta zeregin hori egiteko lekukoa hartzen dugula jakinaraztera etorri gara. Guztiok espetxe politikaren ezagutza zuzena dugu, gure artean urte luzetako espetxealdia egin dutenak daudelarik. Gure egitekoa sinple eta argia da, eragileei Mintzaidetzarekiko hartuemanak ireki eta garatzeko erraztasunak ematea.

-Gure ustetan, itxikeria eta blokeo jarrerak albo batera utzi eta presoan egoera eta konponbideari ateak irekitzea premiazkoa da. Agintari politikoak temati jarraitzen badute ere, Euskal Herriko eta nazioarteko eragileekin hartuemanak abiatzeak berebiziko garrantzia du. Presoak gatazkaren ondorio eta parte diren bezala, konponbidearena ere badira. Konponbide demokratikoaren aldeko apostua egiten dugunok presoekin mintzatzeari ezinbestekoa dela diogu. Datozen egunetan hasiko ditugu kontaktuak.

EPPKren Mintzaidetzaren bitartekariak

Besterik gabe, milesker etortzeagatik.

BITARTEKARIEN ZERRENDA